

ԱՌՈՂՋ ԿՅԱՆՔԻ ՀԱՄԱՐ

ԿՆՈՋ

ԱՄԼՈՒԹՅՈՒՆԸ

և

ՆՐԱ ԴԵՄ

ՊԱՅԲԱՐԵԼՈՒ

ՄԻՋՈՑՆԵՐԸ

618

Թ-45

ԱՋՈՎ-ՍԵՎԾՈՎՑԱՆ ՖԵՐԿՐԱՑԻՆ
ՀԱՅԿԱԿԱՆ ՀՐԱՏԱՐԱԿԶՈՒԹՅՈՒՆ «ԳՐՈՂ»
ՌՈՍՏՐԿ-ԴՈՆ—1936

18 APR 2013

7563

04 AUG 2010

ԱՌՈՂՋ ԿՅԱՆՔԻ ՀԱՄԱՐ

618
Թ-45
my

Պրոֆ. Լ. Բ. ԹԵՌԴՈՐ

ԿՆՈՋ ԱՄԼՈՒԹՅՈՒՆԸ

ՅԵՎ ՆՐԱ ԴԵՄ

ՊԱՅՔԱՐԵԼՈՒ

ՄԻՋՈՑՆԵՐԸ

2-րդ ուղղված հրահանգային բյուրին

Թարգմ. Հ. ԲՈՂԴԱՆՅԱՆ

ԱՋՈՎ-ՍԵՎՇՈՎՅԱՆ ՅԵՐԿՐԱՅԻՆ
ՀԱՅԿԱՆ ՀՐԱՏԱՐԱԿՑՈՒԹՅՈՒՆ «ԳՐՈՂ»
ԲՈՍՏՈՎ-ԴՈՆ—1936



1010
40475
618
Թ-45
ԿԵՈՏ
ԱՄԼՈՒԹՅՈՒՆԸ

13/1299
9

1010
40475
1010

ԱՌԱՋԱԲԱՆ

Ամուլ (անգավակ) կոչվում է այն ամուսնությունը, յերբ կինը չի ծնում: Այսպիսի ամուսնություններ շատ կան: Բազմաթիվ յերկրների գիտնականների հավաքած տվյալների համաձայն, ամուսնությունների 10%-ից վոչ պակասը, այսինքն՝ 100 ամուսնությունից 10-ն անցնում են ամուլ: Դրանից առժեռում է վոչ միայն ընտանիքն, այլև պետությունը: Կապիտալիստական յերկրներում, ուր աշխատանքն անխնա կերպով շահագործվում է, ուր տիրում է կապիտալի անսահման կամայականությունը և ուր միլիոնավոր գործազուրկներ կան, ամուլ ամուսնությունների թիվը գնալով աճում է:

Յշխարհումս մի յերկիր կա միայն, վորն այդ կողմից բացառություն է կազմում. դա խորհուրդների յերկիրն է: Մեր յերկրումն է

վոր ծննդաբերութիւնն աճում է, իսկ մահացումը պակասում: Բնակչության թիվն աճում է, Հոկտեմբերյան հեղափոխութիւնն ազատագրեց աշխատավոր մասսաներին: Սոցիալիստական շինարարութիւնը, վորին ղեկավարում է բոլշեվիկյան կուսակցութիւնը, վերացրեց գործազրկութիւնը և ապահովեց աշխատավորների բարեկեցության անընդհատ աճը, վորով և մեջտեղից վերացրեց այն պատճառները, վորոնք կապիտալիստական յերկրներում ստիպում են կանանց հեռու մնալ յերեխա բերելուց:

Մեզ մոտ էս լինում են ամուլ, այսինքն անզավակ սովոսնութիւններ, բայց դրանց պատճառը վոչ թե սոցիալական, այլ պարզապես բժշկական պայմաններն են: Մարդու կամ կնոջ հիվանդության պատճառով սովոսնութիւնը մնում է անզավակ: Կինը զրկվում է մայր լինելու յերջանկութիւնից, սովոսնութիւնը կատարյալ բավարարութիւն չի տալիս:

Գրքույկիս նպատակն է հասկացնել բանվորուհուն և կոլխոզուհուն, թե ի՞նչ բան է ամուլութիւնը, ինչի՞ց է առաջ գալիս, ի՞նչպես կանխել նրան և ի՞նչպես ազատ մնալ նրանից:

ԻՆՁՊԵՍ ԵՆ ԿԱԶՄՎԱԾ ԿՆՈՋ ՍԵՌԱԿԱՆ ԱՆԴԱՄՆԵՐԸ

Կնոջ սեռական անդամները լինում են արտաքին ու ներքին:

Արտաքին կոչվում են այն մասերը, վոր դրսումն են՝ ցայլը (լորսկը), սեռական մեծ (ամոթույքի) շրթները, ծլիկը (կլիտորը) և կուսական թաղանթը:

Ներքին կոչվում են կնոջ հետեվյալ սեռական օրգանները՝ հեշտոցը, արգանդը, արգանդի փողերը (ձվատարները, ֆալուպյան փողերը), ձվարանները:

Ցայլ է կոչվում փորի պատի ամենաստորին մասը, այսինքն այն տեղը, ուր առջեվից միանում են կոնքի վոսկրերը: Կնոջ ցայլը, մեծաքանակ յենթամաշկային ճարպ պարունակելու հետեվանքով, միքիչ գուրս է

ծծված: Յայլը սովորաբար ծածկված է
թեթևակի գանգրաթել մազերով: Յայլից
դեպի վար, սրբանի (հետանցքի) ուղղու-
թյամբ, տեղավորված են մաշկային յերկու
հաստ ծալքեր՝ մի-մի հատ յերկու կողմից:
Այս ծալքերը մեծ սեռական (ամոթույթի)
շրթներ են կոչվում:

Մեծ սեռական օրթները դրսի կողմից
(դեպի ագդերը) նույպես մազերով է ծած-
կված, իսկ ներսի կողմում մազեր չկան:
Սրանք աստիճանաբար վերջավորվում են
փոքր սեռական օրթների մոտ: Այս վերջին-
ները ներկայացնում են բարակ մաշկային
փոթիկներ, վորոնք սովորաբար ավելի մուգ
գույնի յեն լինում: Մեծ շրթները վոր հե-
քաշենք, սրանք ավելի լավ կերեվան: Տար-
բեր կանանց մոտ տարբեր յերկայնություն
ունեն դրանք և ընդհանրապես փափուկ են,
նուրբ և բարակ: Մանր շրթները ծածկում
են հեշտոցի մուտքը: Առջիվում իրար կցվե-
լով (յերբ կինը վորքի յե կանգնած), նրանք
շրջապատում են այստեղ գետեղված ու
ցայլի ներքեվում դուրս պրծած սեռական
բլրակը, այսինքն՝ ծլիկը:

Ծլիկը (կլիտորը) 3 — 4 միլիմետր յերկա-


րություն ունեցող մի փոքրիկ բլրակ է:
Ծլիկում կան ներվային շատ վերջավորու-
թյուններ և արյունատար անոթներ: Սեռա-
կան հարաբերության ժամանակ, արյունալց-
ման հետևանքով, ծլիկն ուռչում, ձգվում է,
ներվային վերջավորությունները զրգովում
են. այս հանգամանքը նշանակություն ունի՝
ստանալու համար այն բավականությունը,
վորը կապված է սեռական հարաբերության
հետ: Ծլիկից միքիչ ներքև միզացքի ար-
տաքին ծակն է. դրանից ել ներքև մի ուրիշ
ծակ կա, վոր հեշտոցն է տանում. դա հե-
սոցի մուսին է:

Հեօսոց ամուղ մուսին ծածկված է բարակ,
նուրբ թաղանթով, վորն աղջիկների մոտ մի
կամ միքանի ծակեր է ունենում: Այդ թա-
ղանթը կոչվում է կուսական քաղանթ:
Առաջին հարաբերության ժամանակ թա-
ղանթը պատուվում է, այնպես վոր կանանց
մոտ մնում են միայն նրա աննշան մնացորդ-
ները: Հեշտոցի մուտքը, ինչպես և փոքր ու
մեծ շրթների ներսի կողմը, միշտ միքիչ
թաց է լինում՝ շնորհիվ այն փոքրաքանակ
հեղանյութին, վոր դուրս է հոսում հեշտոցից
և արտադրվում է այսպես կոչված գեղձերում:

Գեղձեր են ասվում այն խողովակաձև կամ կծկաձև գոյացումները, վոր ծածկված են հատուկ բջիջներով: Այս բջիջներն են, վոր արտազատում են առանձնահատուկ հեղանյութեր: Յերկու ալգախի գեղձեր՝ ամենամեծերը՝ գետեղված են հեշտոցի մուտքին և թացացնում են նրան. չրանից է ահա, վոր հեշտոցի մուտքը միշտ մի տեսակ թացություն ունի, վորը պահպանում է նրան բերձվածքներից, ճաքճքումներից և հեշտացնում է սեռական անդամի ներս մաղնեղը: Կուսական թաղանթի մյուս կողմում, կոնքի ներսում, գետեղված է հեշտոցը, վոր պատկանում է ներքին սեռական օրգաններին:

Հեռոցը միանային մի խողովակ է՝ ներսից նուրբ, թաց թաղանթով պատած: Հեշտոցի յերկարությունը՝ 7 — 9 սանտիմետր է, իսկ լայնությունը 2 — 3 սանտիմետր: Բայց հեշտոցի թե յերկարությունը և թե լայնությունը կարող է փոխվել, վորովհետև նա ընդունակություն ունի հեշտությամբ ձգվելու: Թե վնասն շատ կարող է ձգվել հեշտոցը, դա յերեվում է հենց նրանից, վոր ծննդաբերության պահին նա այնքան է լայնանում, վոր նրանով դուրս է

յեղնում պտուղը (նորածինը): Հեշտոցը վերջավորվում է դեպի վեր ծոված ու լայնկեկ փակ ծայրով (այսպես կոչված կամարներով), վորի մեջ դուրս է պրծնում արգանդավիզը: Այսպիսով արգանդը միանում է



Կնոջ ներքին սեռական օրգանները.

1. Հեշտոցը, 2. Արգանդավիզը, 3. Արգանդը,
4. Չվարանը, 5. Փողի ծողերը, 6. Փողը:


արտաքին սեռական անդամների հետ հեշտոցի միջոցով: Հեշտոցը գետեղված է կոնքում, միզապարկի և ուղիղ աղիքի (հետանցքի աղիքի) մեջտեղում:

Արգանդը մի տանձաձև պինդ մկանային մարմին է: Չհղիացած կնոջ արգանդը 8 — 9

սանտիմետր յերկարությունն և 6 — 7 սանտիմետր լայնությունն ունի: Նա յերկու մասից է բաղկացած՝ վարմնից ու վզից: Յերկարության 9 սանտիմետրից բուն մարմնին բաժին է հասնում մոտավորապես 6 սանտիմետր, իսկ վզին՝ 3 սանտիմետր: Ինչպես վերն ասվեց, արգանդավզի մի մասը դուրս է պրծած հեշտոցում: Արգանդավզի մեջտեղում բացված է մի ծակ, վոր տանում է դեպի արգանդավզի անցքը: Այս ծակը կոչվում է արգանդավզի արտաբին բերան: Քանի դեռ կինը յերեխա չի ծնել, այս բերանը կլոր ձև ունի, վորը սակայն ծննդաբերությունից հետո ճեղքի ձև է ստանում: Արգանդավզի անցքը 2 — 3 սանտիմետր յերկարություն ունի և վերջավորվում է նեղ ծակով, վոր տանում է արգանդի խոռոչը՝ այսպես կոչված արգանդի ներքին բերանը: Արգանդավզի լեցուն է թանձր լորձուկնքով, վոր խցանի պես փակում է արգանդի մուտքը:

Արգանդի խոռոչը յեռանկյունի ձև ունի ու ներսից պատած է նուրբ լորձաթաղանթով: Այս յեռանկյունու ներքին անկյունը հենց այն ներքին բերանն է, վորի մասին

վերն ասվեց: Մյուս յերկու անկյունները զետեղված են արգանդի հատակին: Նրանցից դեպի յերկու կողմ ուղղվում են յերկու



Հիի արգանդը:

1. Արգանդի արտաբին բերանը, 2. Ներքին բերանը, 3. Պտուղով ձուն, 4. Արգանդի խոռոչը:

նեղ մկանային փողեր՝ 3 — 4 միլիմետր հաստությամբ և 9 — 10 սանտիմետր յերկարությամբ: Այս փողերը կոչվում են արգանդային փողեր կամ ձվասար փողեր:

Չվտար փողերը վերջավորվում են ձա-
ղարածև անցքով (փողաբերանով), վորը
բացվում է կնոջ վորովայնախոռոչում (փորի
խոռոչում): Այս փողաբերանի յեզրերը հարթ
չեն, նրանք ծռակիկների յեն նման: Այս ծռ-



Կնոջ օվարներ:

1. Չուն, 2. Հասուն փուլիկը, 3. Հասնող փուլիկները:

պիկները կոչվում են Ֆիմբրիաներ: Ներսի
կողմից փողերն ու Ֆիմբրիաները ծածկված
են թաց, նուրբ լորձամաշկով: Յեթե այս
մաշկը դիտենք խիստ խոշորացնող ապակիով
(միկրոսկոպով), ապա կտեսնենք, վոր նա
ծածկված է շատ բարակ, նուրբ ալվամազով,


վորն անդադար թրթռում է, և այդ թրթռումն
ուղղված է փողաբերանից դեպի արգանդը:

Չվարաններ. Փողաբերանից վոչ հեռու,
արգանդի յերկու կողմում, գետղված են
ձվարանները: Առողջ կնոջ ձվարանը մի
թանձր, փոքրիկ մարմին է, վոր տափակ
սալորի յե նմանում: Չվարանի յերկարու-
թյունն է 3—4 սանտիմետր, լայնությունը
2—3 սանտ. և հաստությունը 1 — 1 և կես
սանտիմետր: Չվարանները գտնվում են փորի
խոռոչի ստորին մասում, կոնքի ներսում և
անմիջական հաղորդակցություն չունեն փո-
ղերի հետ:

ԻՆՉՊԵՍ ԵՆ ԳՈՐԾՈՒՄ ԿՆՈՋ ՍԵՌԱԿԱՆ ՈՐԳԱՆՆԵՐԸ

Կանացի սեռական ապարատի ամենագլ-
խավոր մասը ձվարանն է:

Չվարանի հիմնական դերը այսպես կոչ-
ված կանացի ձու արտադրելն է: Չուն մի
փոքրիկ փուլիկ է, վոր կարելի յե տեսնել
միայն միկրոսկոպով (մանրադիտակով): Յերբ
հաբեղմնավորվի, զարգանում է սաղմը: Չվա-
րաններից յուրաքանչյուրը մեծ քանակու-



Հասած փուչիկը (շատ խոշորացրած)
1. Կնոջ ձուռն, 2. Փուչիկի հեղուկը, 3. Փուչիկի հետագա
պատառման տեղը:

Թյամբ այսպիսի ձվեր ե պարունակում իր
մեջ: Նրանք հասունանում են (մեծանում
են) ձվարանում և ապա, հասունանալուց
հետո, դուրս են ընկնում այնտեղից: Յերկու

ձվարանում գոյացած տասնյակ հազարավոր
ձվերից կնոջ ամբողջ կյանքի ընթացքում
հասունանում են միայն քչերը՝ մոտավորա-
պես 500 հատը: Ձվերը հասունանում են վոչ
թե կնոջ ամբողջ կյանքի ընթացքում, այլ
մոտավորապես միայն 30 — 35 տարում, այ-
սինքն 14 — 15 տարեկան հասակից սկսած
մինչև 45 — 50 տարեկան հասակը: Ամսական
հասունանում ե միայն մի ձու. ձվի այս
հասունացումը սաստիկ անդրադառնում ե
կնոջ որգանիզմի վրա: Ինչպես հայտնի յե,
նույն հասակում (14 — 15 տարեկանից մին-
չև 45 — 50 տարեկան հասակը) կինը դաշ-
տան ե ունենում ամեն ամիս:

Ի՞նչ ե դառնալը (ամսականը, ռեգուլը):
Դաշտանն այն արյունն ե, վոր ամիսը մի
անգամ յերեվան ե գալիս կնոջ սեռական
անդամներից: Այժմ հայտնի յե, վոր դաշ-
տանը կապ ունի ձվի հասունացման և ձվա-
րանից դուրս գալու հետ: Գիտենք նույպես,
վոր 14 — 15 տարեկան հասակից, յերբ առա-
ջին անգամ յերեվան ե գալիս դաշտանը,
աղջկա որգանիզմն սկսում ե արագ զարգա-
նալ: Նա ավելի արագորեն ե մեծանում. նրա
կուրծքը լցվում, աճում ե, ազդրերը և ուսերը

կորանում են, ցայլի և կոնստալի մազերի
աճն արագանում է, փոխվում է աղջկա բնա-
վորությունը: Նա ավելի հասուն է դառնում:

Մյուս կողմից հայտնի յե, վոր 45 — 50
տարեկան հասակում, յերբ դաշտանը վեր-
ջանում է, կնոջ որգանիզմն սկսում է արա-
դությամբ թառամել, վրա յե հասնում արագ
ծերությունը: Այս փոփոխությունները կախ-
ված են ձվարանի գործունեյությունից: Այս-
պիսով մենք տեսնում ենք, վոր ձվարանը
միայն ձվերի զարգացման վայրը չէ, այլև
այն որգանն է, վորից կախում ունի ամ-
բողջ որգանիզմի աշխատանքը: Ձվարանից
զրկված կինն, ըստ էյության, դադարում է
կին լինելուց. նա դառնում է անսեռ մի
արարած:

Ձվարանի՝ Կնոջ որգանիզմի վրա ունե-
ցած ուժեղ ներգործությունը կախված է
այն հատուկ նյութերից, վորոնք ձվարանում
են արտադրվում: Ձվերը, վորոնց մասին խո-
սեցինք վերևում, գետեղված են ձվարանում,
հատուկ փուլչիկների մեջ. այս փուլչիկներից
է, վոր (տես նկար 12. րդ էջում) կնոջ արյան
մեջ են մտնում շատ սակավ քանակությամբ
այն հատուկ նյութերը, վորոնք ուժեղ աղ-

ղեցություն ունեն որգանիզմի վրա. սրանք
հորմոններ են կոչվում: Ձվարանից արյունն
անցնող հորմոնը կոչվում է կանացի հորմոն:

Այսպիսով տեսնում ենք, թե վորքան
բարդ աշխատանք է տանում ձվարանը. մեկ
կողմից նա ձու յե հասցնում, մյուս կողմից
ազգում է ամբողջ որգանիզմի վրա: Դրա հա-
մար է, վոր կանայք այնպիսի դժվարու-
թյամբ են տանում ձվարանների կորուստը:
Ցերբ վորեւ հիվանդության հետևանքով ձվա-
րանը քայքայվի կամ յերբ ուղեբացիա անե-
ով կտրեն, հեռացնեն նրան, կինը տառա-
պում է մի շարք խանգարումների ձեռքից.
նա կորցնում է դաշտանը, դադարում է յե-
րեխա բերել, արագ ծերանում է ու թառա-
մում:

Ձվերի հասունացումը: Վերն արդեն նշե-
ցինք, վոր ձվարանում գոյացած տասնյակ
հազարավոր ձվերից հասնում, զարգանում են
մոտ 500 ը միայն: Բեղմնավորվել կարող է
միայն հասունացած ձուն: Հասունացումը
կատարվում է այսպես. ձուն գետեղված է
հեղուկով լի հատուկ փուլչիկի մեջ: Ձուն
մեծանում է փուլչիկում, հեղուկը գնալով
շատանում է փուլչիկից դուրս, լայնանում է



և, վերջապես, ճնշմանը չդիմանալով՝ պատառվում եւ։ Չուն հեղուկի հետ միասին ձվարանից թափվում եւ փորի խոռոչը։ Ամիսը մի անգամ համնում եւ միայն մի ձու (նկար 1 է. քղ եջում)։ Ինչպես արդեն գիտենք, ձվա-րանի մոտ եւ զետեղված փողաբերանը (ձվա-տարը)՝ ծոպերով (ֆիմբրիաներով)։


Սովորաբար հենց այս փողաբերանն եւ ընկնում ձուն։ Ծոպիկներն անդադար թրքո-ւում են և փողաբերանն ընկած ձուն աստիճա-նաբար հրվում եւ առաջ դեպի արգանդը։

Հղություն առաջացնելու համար անհրա-ժեշտ եւ, փոր հասած ձուն բեղմնավորվի։

ԲԵՂՄՆԱՎՈՐՈՒՄԸ

Բեղմնավորում՝ կամ հղություն տեղի յե- ունենում այն ժամանակ, յերբ կնոջ հասու- նացած ձուն միանում եւ տղամարդու սերմ- նաթելիկի (սաղմնաթելիկի) հետ։ Սերմ- նաթելիկներն ընկնում են կնոջ սեռական օրգանները՝ տղամարդու հետ սեռական հա- սարակցություն ունենալիս, յերբ տղամարդու սեռական անդամից սերմը թափվում եւ կնոջ հեշտոցը։ Տղամարդու սերմը մի ծորուն հե-

ղուկ եւ, փոր արտադրվում եւ նրա սեռական գեղձերում (ամորձիքում)։ Այս հեղուկը միկրոսկոպով դիտելիս՝ տեսնում ենք, փոր նրանում շարժվում են մանրիկ թելիկներ, փորոնք և կոչվում են սաղմնաթելիկներ կամ սպերմատոզոիդներ։ Ա. մեն անգամ, սեռական




Սերմաթելիկներ (սպերմատոզոիդ- ները) շատ մեծացրած։

հարաբերության միջոցին, յերկու հարյուր միլիոնի չափ այդպիսի սաղմնաթելիկներ են ժայթքում։ Սաղմնաթելիկը գոյանում եւ ամորձիքում այնպես, ինչպես ձուն՝ ձվարա- նում։ Յուրաքանչյուր սաղմնաթելիկ կազմված

ե գլխիկից և պոչիկից (նկ. 19-րդ եջ.): Գլխիկը ծառայում է ձվի բեղմնավերման համար: Բեղմնավորումը կատարվում է հետեւյալ յեղանակով: Սեռական հարաբերության միջոցին սաղմնաթելիկներն ընկնում են հեշտոցը, իսկ այստեղից՝ արգանդավզում զրանվող լորձային թանձր խցանը: Այստեղից սաղմնաթելիկները բարձրանում են վեր, դեպի արգանդը: Այս առաջխաղումը գլխավորապես կախված է սաղմնաթելիկի պոչից: Յերկար պոչիկը մոտավորապես այնպես է շարժվում, ինչպես սավառնակի պրոպելլերը: Պոչիկի այս շարժումների շնորհիվ է, վոր սաղմնաթելիկը կարողանում է նախ մղվել դեպի վեր՝ արգանդը, և ապա՝ դեպի ձվատար փողերը:

Հարկավոր է նշել, վոր միլիոնավոր սաղմնաթելիկներից շատերը վոչնչանում են հեշտոցում, շատերը՝ արգանդավզում, արգանդում, ձվատար փողերում, և շատ քչերն են միայն, վոր հասնում են ձվին: Այն պահին, յերբ սաղմնաթելիկն առաջ է շարժվում դեպի ձուռն, այս վերջինը դանդաղ կերպով շարժվում է (հրվում է) սաղմնաթելիկին ընդառաջ: Հանդիպումը տեղի յե

ռւնենում փողում. սաղմնաթելիկից մեկն ամենից առաջ է հասնում ձվին. սա իսկույն գլխիկով ծակում է ձվի պատյանը ու ներս թափանցում: Հենց վոր նա միանա ձվի հետ, մնացյալ սաղմնաթելիկները դադարեցնում են իրենց շարժումները: Բեղմնավորված ձուռն սկսում է արագորեն զարգանալ (նկար 21 եջում): Միլիոնավոր սաղ-



Սերմնաթելիկի կամեդիպումը ձվի իետ
1. Ձուռն բեղմնավորող սերմնաթելիկը,
2. ձվի կորիզը:

մնաթելիկներից միայն մեկն է բեղմնավորում ձուռն, մնացյալները ներծծվում են ու վոչնչանում: Բեղմնավորված ձուռն արագ

աճում եւ և միաժամանակ շարունակում եւ առաջ հրվել զեպի արգանդը: Այս իսկ ժամանակից սկսած կնոջ որգանիզմում առաջանում են փոփոխություններ, վորոնք նախապատրաստում են նրան հղության համար:

Ամենից ավելի արգանդն եւ փոփոխվում, մանավանդ նրա ներսի մակերեսը՝ լորձաթաղանթը (պատյանը), վորը հաստանում, դառնում եւ ավելի փխրուն, հյութեղ, լիարյուն: Այս բոլորը հող եւ պատրաստում ձվի համար, ասես պարարտացնում, փխրունացնում եւ նրան: Բեղմնավորված ձուն՝ արգանդը հասնելով՝ այստեղ լավ պայմաններ եւ գտնում ամրանալու համար: Բայց մենք գիտենք, վոր ամեն ձու չի բեղմնավորվում: Յեւ, ուրեմն, յեթե հղիություն տեղի չի ունենում, ապա այդ հաստացած, հյութեղ, փխրուն, լիարյուն թաղանթն սկսում եւ քայքայվել. առաջանում եւ արյունահոսություն: Այս արյունահոսությունը լինում եւ ամիսը մի անգամ և կոչվում եւ մենստրուացիա կամ դաշտան: Հետեւաբար, ամիսը մի անգամ յերեւակցող արյունահոսությունը վկայում եւ այն մասին, վոր ձվի հասունացումը տեղի

չի ունենում, բայց բեղմնավորում չի կատարվել: Պարզ եւ, վոր հղիությունն սկսվելուն պես դաշտանը (ամսականը) դադարում եւ: Դաշտանը բացակայում եւ նաեւ այն ժամանակ, յերբ կինը ծիծ եւ տալիս յերեւակին, վորովհետեւ այդ պահին ձվարանները թույլ են աշխատում:

Դաշտանը, ինչպես արդեն ասվեց, սկսվում եւ 14 — 15 տարեկան հասակից: Դաշտանի յերեւակն զալը վկայում եւ այն մասին, վոր ձվարանում սկսել են ձվերը հասունանալ, հետեւաբար և աղջիկը կարող եւ հղիանալ: Բայց այդ չի նշանակում, վոր աղջիկն այնքան հասած եւ, վոր կարող եւ մայր դառնալ: Այս հասակի աղջիկը դեռ նոր եւ սկսում հասնել արագորեն, բայց սեռական կյանքի և հղիության համար դեռ լիովին պատրաստ չեւ: Վաղաժամ սեռական կյանքը և վաղաժամ հղիությունը շատ վատ են ներգործում նրա առողջության վրա:

Հարց եւ ծագում, քեւ ձուն ի՞նչպես եւ ամբանում արգանդին յեւ ի՞նչպես եւ սրնվում: Չվատարում բեղմնավորվելով՝ ձուն հրվում եւ զեպի արգանդը: Այս առաջարժման միջոցին նա աճում և՛ մեծանում եւ:

Սրգանդը հասնելու պահին ձուռն իրենից՝ ներկայացնում է արդեն մի մեծ փուչիկ գնդասեղի գլխի մեծությամբ. այս փուչիկն արդեն ծածկված է նրբաթել աղվամազով կամ այսպես կոչված մազմզուկով: Միկրոսկոպով դիտելիս, դրանք նման են շշափուկ-յերուստների: Այս մազմզուկների շնորհիվ է ահա, վոր ձուռն թափացնում է արգանդի նուրբ լորձաթաղանթը, ապա՝ ավելի ևս խորանալով՝ հասնում է նրա արյունատար անոթներին: Մազմզուկների միջոցով էլ կատարվում է պտուղի (սաղմի) աննդառությունը, վոր ստացվում է մոր արյունից՝ պտուղի արգանդում գտնվելու ամբողջ ժամանակամիջոցում:

ԱՍԼՈՒԹՅՈՒՆ

Ինչո՞ւ համար շատ ամուսնություններ ամուլ են անցնում: Վերն ասվածից յերեվում է, վոր կնոջ սեռական օրգաններն այնպես են կազմված, վոր հղիություն պետք է տեղի ունենա: Այնինչ շատ կանայք իրենց ամբողջ կյանքի ընթացքում մնում են անզավակ, չնայելով, վոր յերեխա ունենալու փափագ ունեն:

Ամուլթյուն ասվածը մի հիվանդություն է, վորը կանխելու համար անհրաժեշտ է ամեն տվյալ դեպքում նրան առաջացնող պատճառներն իմանալ:

Բազմաթիվ դեպքեր կան, յերբ ամուլ ամուսնությունների պատճառը տղամարդն է հանդիսանում: Սրդեն ասել ենք, վոր բեղմնավորում առաջացնելու համար անհրաժեշտ է, վոր ձուռն սաղմնաթելիկով բեղմնավորվի: Բայց բանն այն է, վոր կան շատ տղամարդիկ, վորոնց սերմն անկարող է բեղմնավորել կանացի ձուռն: Այդպիսի տղամարդու սերմը միկրոսկոպով դիտելիս՝ հաճախ իսպառ չի հաջողվում գտնել նրա մեջ սաղմնաթելիկներ. նրանք բացակայում են. հաճախ էլ թեև գտնում ենք սաղմնաթելիկներ, բայց դրանք բոլորովին անշարժ են. մինչդեռ առողջ տղամարդու սաղմնաթելիկներն անդադար շարժվում են: Անշարժները մեռած սաղմնաթելիկներ են. նրանք անկարող են հասնել ձվին ու բեղմնավորել այն:

Տղամարդու սերմի այսպիսի աննորմալության պատճառն ինչ է, Դա մեծ մասամբ հետևանք է զրանից առաջ ունեցած սուսա-

ԿՆՈՋ ԱՍԵՆՔՅԱՆ ԱՍԵՆԱՀԱՅԱԿԻ ՊԱՏՃԱՌՆԵՐԸ

Ասեռական որգանների թերազարգացումը: Հաճախ պատահում է, վոր տղամարդը բոլորովին առողջ է, նրա սերմը թերություն չունի, մինչդեռ կինը չի հղիանում: Այսպիսի դեպքերում պատճառը պետք է փնտռել կնոջ մեջ: Շատ անգամ նրանից ենք իմանում, վոր նա յերբեք դաշտան (ամսական) չի ունեցել, կամ թե նա դաշտանը շատ սահմանափակ է լինում, հաճախ 2 — 3 ամիսը մի անգամ:

Սովորաբար այս կանայք բժիշկներին պատմում են, վոր նրանք զարգացել են դանդաղ, առաջին անգամ դաշտան ունեցել են 19—20 տարեկան հասակում: Այդպես շատ քիչ է արտազատվել: Ամսականները խիստ ցավոտ են յեղել: Այսպես են պատմում այն կանայք, վորոնց սեռական որգանները լավ չեն զարգացած ու աղջկա սեռական որգանների յեն նմանում:

Այսպիսի կանանց կուրծքն (ստինքը), առանց բացառության, վատ է զարգացած, թևատակին ու ցալին մազը սակավ է, ար-

տաքին սեռական որգանները լավ չեն զարգացած, հեշտոցը նեղ է, կամարները տափակ, արգանդավիզը, յերկայն, նեղ կամ շատ փոքր, արգանդը փոքր, պինդ, ձվարանները գործում են վատ: Չվերը կամ խսպառ չեն հասունանում ձվարաններում կամ մնում են թերահաս: Պարզ բան է, վոր այսպիսի թերազարգացած սեռական որգաններ ունեցող կինը չի կարող հղիանալ:

Թերազարգացման տարբեր աստիճաններ են լինում: Կան կանայք, վորոնց թերազարգացումն այնքան մեծ է, վոր ամիությունը բուժելն անկարելի յե դառնում: Լինում են նաև դեպքեր, յերբ թերազարգացումն այնքան ել մեծ չէ, և սեռական որգանները կարող են դեռ զարգանալ: Հաճախ պատահում է, վոր նման կանայք ապրում են սեռական կյանքով, բայց յերկար ժամանակ (որինակ 4—5 տարի) հղիություն չի առաջանում, իսկ հետո հղիանում են: Շատ անգամ, ճիշտ է, այդորինակ հղիությունը մինչև վերջը չի տեվում, և արորտ է տեղի ունենում: Հետեվյալ հղիությունը նույնպես կարող է արորտով վերջանալ: միայն աստիճանաբար, սեռական կյանքից ազդված, ար-

զանդը լրիվ է զարգանում և այն ժամանակ հետագա հղիութիւնները անվում են մինչև վերջը:

Թերազարգացած կանանց ամլութիւնը կարող է շատ պատճառներից առաջացած լինել: Սրդեն ասացինք, վոր այսպիսի կանանց ձվարանը վատ է աշխատում: Այս հանգամանքը պատճառներից մեկն է: Բայց նույնիսկ այն ժամանակ, յերբ ձվարանը հասուն ձվեր է տալիս, հղիութիւն այնուամենայնիվ կարող է չառաջանալ, վորովհետև արգանդը լավ չի զարգացած: Մենք արդեն զիտենք, վոր հղիութիւն առաջ բերելու համար պետք է արգանդի լորձաթաղանթում պատրաստի հող լինի ձուռն ամրանալու համար: Այնինչ թերազարգացած արգանդում նման փոփոխութիւններ կամ իսպառ չեն լինում կամ լինում են շատ անշան չափով: Իրա հետեւանքով կամ ձուռն բոլորովին չի ամրանում, այսինքն հղիութիւն չի առաջանում, կամ ամրանում է այնքան թույլ, վոր 1—1 և կես ամսից պոկվում է, և արօրտ է առաջանում:

Այսպիսի կանանց ամլութիւն պատճառը յերբեմն հեշտոցի թերազարգացած լինելն է,

այսինքն հեշտոցի նեղ անցք ունենալը, կամ արների տափակ լինելը: Իրա համար, սեռական հարաբերութիւն ունենալիս, սերմը հեշտոցում չի մնում, այլ իսկույն դուրս է թափվում այնտեղից՝ առանց արգանդն անցնելու: Բացի դրանից, նման կանանց հեշտոցի լորձն այնքան թթու չէ, վոր սաղմնաթելկները նրա մեջ արագ վոջնչանում են, վորի հետեւանքը լինում է ամլութիւն:

Իրա համար է ահա, վոր յերեկա ունենալ ցանկացող և թերազարգացած սեռական օրգանների տեք կանայք, հղիութիւն առաջանալու դեպքում, պետք է վերին աստիճանի զգուշ լինեն, վորպեսզի բեղմնավորված ձուռն արգանդում հաստատուն մնա: Իսկ յեթե հղիութիւն ընդհանրապես չի առաջանում, ապա անհրաժեշտ է բժշկի դիմել, վորովհետև շատ դեպքերում հնարավոր է պայքար մղել թերազարգացման դեմ: Այս պայքարը մղվում է ամբողջ օրգանիզմն ամրացնելու և հատուկ բժշկութիւն միջոցով: Կանոնավոր սննդառութիւն, նորմալ հանգստութիւն ու քուն, ֆիզկուլտուրա— ահա այս անորմալութիւնը բուժելու զրկավոր միջոցները:

Սակայն փրկել կնոջը թերազարգացման հետևանքով առաջացած ամուլթյունից, հաճախ, բավական զժվար ե լինում, իսկ յերբեմն նաև անկարելի: Դրա համար մանկությունից սկսած, յերբ 13 — 14 տարեկան աղջկա սեռական որգանները դեռ զարգանում են, անհրաժեշտ ե հոգ տանել նրա որգանիզմի ու սեռական ապարատի լավ զարգացման մասին, հետևել, վոր աղջիկը կանոնավոր կյանք վարի, յերկար ժամանակ թարմ ողի մեջ լինի, վճր նրա աշխատելու ե հանգստանալու ժամերը կանոնավոր կերպով իրար հաջորդեն, վոր նա լավ սնվի ու ֆիզիկուլտուրայով զբաղվի: Դրանով կանոնավորապես կզարգանան նրա որգանիզմը, նրա սեռական որգանները, ե հետագայում առաջը կառնվի նրա ամուլթյան:

Լայն հնարավորություններ են ընձեռվում մեր Միության ղեռահաս սերնդին. նրա համար ստեղծված են այն բոլոր պայմանները, վոր անհրաժեշտ են որգանիզմի կանոնավոր աճման ու զարգացման գործում:

Ամուլթյուն առաջացնող պատճառներից գլխավորը սուսանակն ե: Ամուլթյունը շատ անգամ հետևանք ե կնոջ սուսանակով հի-

վանդանալուն: Մենք արդեն գիտենք, վոր տղամարդու ամուլթյան ամենահաճախ կրկընվող պատճառը սուսանակն ե: Ավելի ևս շատ փոփոխություններ ե առաջացնում այս հիվանդությունը կնոջ մեջ: Սուսանակով հիվանդ կամ այդ հիվանդությունն առաջներն ունեցած կինը հաճախ թարախոտ սպիտակաթորանք ե ունենում: Այս սպիտակաթորանքը սաղմնաթելիկների համար թունավոր ե:

Սաղմնաթելիկը հեշտոցն ընկնելով՝ վոջնչանում ե, նրա շարժումները դադարում են, ու նա անկարող ե հասնել արգանդին ե բեղմնավորմել ձուռ:

Սուսանակի ժամանակ հաճախ արգանդավիղն ե հիվանդանում: Նրա վրա խոցեր են առաջանում, արգանդավզից թարախ ե արտազատվում ե, իհարկե, այսպիսի արգանդավիղ ընկած սաղմնաթելիկն իսկույն ել վոջնչանում ե:

Հաճախ բորբոքվում ե նաև արգանդը: Նրա լորձնաթաղանթն այնքան ե փոխված, վոր այլևս չի կարող ծառայել ձվի ամրացման համար: Յեվ յեթե ձուռ արդեն բեղմնավորված ել լինի, ապա նա արգանդը

հասնելով՝ չի կարող այնտեղ ամրանալ ու վիժվում է դուրս. այստեղից հասկանալի չէ, վոր հղիությունն չի առաջանում:

Սակայն ձվի ու սաղմնաթելիկի իրար հանդիպումը սոսանակով հիվանդ ժամանակ շատ անգամ առհասարակ տեղի չի ունենում, փորովհետև սոսանակը չափազանց մեծ փոփոխություններ է առաջացնում արգանդի փողերում, ուր թարախ է գծյանում. թաւրախից փողերը փակվում են կամ թարախոտ ուռեցքների յեն փոխվում է, ինչպես ասում են, դառնում էն անանյանելի: Պարզ է, վոր հղիության մասին խոսք լինել չի կարող յեթե փակված է այն անցքը, վորով առաջ են շարժվում ձուն ու սաղմնաթելիկը: Փողերի այս յեղանակով խցվելը ամլության ամենահաճախակի պատճառներից մեկն է:

Յերբեմն փողերը լրիվ չեն լցվում, այլ բորբոքման հետևանքով նեղանում, անձուկ են դառնում. փողերում գոյանում են կապեր ու ծալքեր: Սյապիսի դեպքերում սաղմնաթելիկը յերբեմն կարողանում է հանդիպել ձվին, բայց ձուն դեռ արգանդը չհասած՝ խրվում է փողում, վորով և արտարգանդային հղիություն է առաջացնում:

Յերբ սոսանակից վնասվում է ձվարանը, նրա շուրջը հաճախ գոգվանքներ են առաջանում: Վնասվում է ինքը ձվարանը և այն ժամանակ կամ խալառ ձվեր չեն գոյանում ձվարանում, կամ նրանք չեն կարող ձվարանից ձվափար փողերն ընկնել, մի բան, վոր նույնպես կնոջ ամլություն է առաջացնում:

Պետք է ասել, վոր սոսանակի ժամանակ շատ հաճախ ամլությունն իսկույն վրա չի հասնում, այլ միայն անդրանիկ յերեխան ծնելուց հետո: Սա բացատրվում է նրանով, վոր ամլոսնությունից հետո յերբեմն կնոջը հաջողվում է հղիանալ այն միջոցին, յերբ սոսանակային վարակը դեռ փողերին ու ձվարանին չի անցել: Նման դեպքերում, յեթե կինը մինչև վերջն է հասցրել իր հղիությունը, սոսանակային վարակը ծննդաբերությունից հետո վեր է բարձրանում, հարվածում է սեռական ապարատի մյուս մասերին և հետագայում արդեն ամլություն է առաջանում: Սրա համար է, վոր սոսանակով հիվանդ կանանց հետ ծննդաբերական շրջանն այնքան վտանգավոր է լինում:

Սոսանակից առաջացած ամլությունը

բուժելը թեև շատ է դժվար, բայց հնարավոր է:

Հե՜ս ծննդաբերական հիվանդությունները: Սուսանակը շատ անգամ հիվանդությունների դուռն է բաց անում նաև հեթ-ծննդաբերական շրջանում, բայց նույնպիսի փոփոխություններ կարող է առաջացնել նմանապես վոչ-սուսանակային բորբոքումը: Հաճախ պատահում է, վոր ծննդաբերությունից հետո կանայք հիվանդանում են սեռական որգանների յերբեմն ախքան ծանր տեսակի բորբոքումով, վոր մահով է վերջանում: Նման բորբոքումներն առաջանում են նրանից, վոր ծննդաբերության միջոցին վարակներ (միկրոբներ) են ընկնում սեռական որգանները: Վարակն անցնում է արգանդին, փողերին և ձվարաններին, առաջացնում է սաստիկ բորբոքում, խիստ փոխում է արգանդի ու փողերի լորձաթաղանթը և ընդհանրապես այն հետեանքն է ունենում, ինչ վոր ասվեց վերեվում սուսանակի համար, ու կինը դառնում է ամուր:

Հավ ծննդաբերական սնեերում այսորինակ բորբոքումներ համարյա չեն պատահում: Դրա հակառակ, ծանր սեռակի բորբոքումով

են վերջանում այն ծննդաբերություններ, վոր կատարվում են աստերի ձեռով: Հազարավոր կանայք զոհ են դառնում իրենց թեթեվամտությանը և տգիտությանը, տանյակ հազարներ ցմահ ինվալիդ են դառնում, տանյակ հազարներ ամուլ են դառնում և ընդմիշտ զրկվում են մայր լինելու յերջանկությունից:

Աբորթ (վիժումը) հաճախ նույնպես ամուլությամբ է վերջանում: Աբորտ անելը շատ վնասակար է: Հաճախ աբորտից հետո կնոջ սեռական անդամները հիվանդանում են. կարող է պատահել, վոր նա դադարի հղիանալ: Կնոջ սեռական որգանները, ըստ յերեվույթին նույնիսկ հաջող անցած աբորտներից, կարող են ախքան վնասվել, վոր կինը դառնում է ամուլ: Այս դեպքերում դաշտանն սկսում է պակասել, յերբեմն ել բուլորովին չքանում է, ու կինն սկսում է պառավել: Այս ամենից պարզ է, վոր վնասվում է մի շատ կարեվոր որգան, վորպեսին ձվարանն է:

Թե վորքան վնասակար բան է աբորտ անելը, այդ պեսք է իմանան մեր Միության բոլոր աշխատավոր կանայք: Այս դեպ-

քում ևս առանձնապես վտանգավոր են այն արքորաները, վոր կատարում են կեղտոտ, սգեստ տատմբների ձեռքով: Սրանց ձեռքով կատարված արքորտի պաճառով կինը վոչ միայն ամուլ է դառնում, այլև հաճախ զրկվում է իր աշխատունակությունից և մինչև իսկ կյանքից:

Յողի ներարկումը, իբրեւ ամուսնյան պատճառ: Ամուլություն են առաջացնում այն միջոցառումներից միքանիսը, վոր կիրառու են կանայք հղիությունից դերծ մնալու համար: Առանձնապես վտանգավոր են արգանդը մուծվող զանազան ներարկումները: Կանանցից շատերը, հղիությունը կանխելու համար, դիմում են մանկաբարձուհիների, տատմբների ոգնության. ամենից հաճախ յողն են, վոր սրանք ներարկում են կնոջ արգանդը: Այս միջոցը չափազանց վնասակար է:

Ներարված յողը հաճախ ընկնում է արգանդի փողերն ու փորն ու փորի խոռոչը: Յողն առաջացնում է նուրբ թաղանթների բորբոքում, կազմվում են միակցումներ (սրաշէնիյե), վորոնք շրջապատում են ձվարանը. ձուն չի կարողանում դուրս գալ այն.

տեղից, ձվատարի անցքը փակվում է, հետևաբար և հղիություն տեղի ունենալ չի կարող: Հաճախ պատահում է, վոր այս միջոցին դիմող կանանց մոտ դաշտանները պակասում ու շատ անգամ ել ընդմիջա դադարում են, մի բան, վոր վկայում է ձվարանի խորապես վնասված լինելու մասին:

Այսպես, ուրեմն, հղիությունը կանխելու նպատակով արված արգանդի ներարկումները չափազանց վտանգավոր են ու վնասակար:

Ամուսնյան սյուս պատճառներ: Լինում են դեպքեր, յերբ կանանց արգանդը շատ ծոված է լինում կամ առջև կամ դեպի հետ և կամ կողքի:

Առաջ կարծում եյին, թե արգանդի այսպիսի անկանոն դիրքը հաճախ պատճառ է դառնում ամուլության: Բայց այժմ մենք գիտենք, վոր դա չի խանգարում հղիություն առաջանալուն: Իսկ յեթե արգանդի անկանոն դիրքը ունեցող կինը չի հղիանում, ապա այդ կախված է վոչ թե արգանդի անկանոն դիրքը ունենալուց, այլ այն պատճառներից, վոր նրան առաջացրել են: Այսպես, մենք գիտենք, վոր արգանդը վատ զարգանալիս, ձվարանը թույլ աշխատելիս, ար-

դանդը հաճախ խիստ առջև ե ծոված լինում: Այս դեպքում կինը կարող ե տառապել ամուլթյամբ, բայց դա կախված ե վոչ թե արգանդը ծոված լինելուց, այլ ձվարանի, արգանդի վատ աշխատելուց: Յերբ արգանդը դեպի հետ կամ կողքի յե ծոված լինում, ամուլթյան պատճառը հաճախ սեռական որգանների բորբոքումն ու դրա հետ կապված՝ արգանդի ցնառումներն են:

Ամուլթյան պատճառներից մեկն են հանդիսանում նայեմ կանացի սեռական որգանների ուռեցումներ:

Կինը կարող ե ամուլթյամբ տառապել, յեթե նրա արգանդի վրա ուռեցք (շալար) կա: Այսպես, որինակ, հաճախ ամուլ են լինում այն կանայք, վորոնց արգանդի վրա մկանային պալարներ (ֆիբրոմներ) կան: Արգանդի քաղցկեղը (ռակը) սկզբնական շրջանում չի խանգարում հղիության առաջանալուն, բայց յերբ քաղցկեղը շարունակում ե մեծանալ, հղիություն չի կարող տեղի ունենալ: Չվատար փողերի ուռեցքներն ամեն անգամ ամուլթյուն չեն առաջացնում, այլ այն դեպքերում միայն, յերբ ուռեցքը փակում ե փողերի անցքը:

Չվարանների ուռեցքի պատճառով ամուլթյուն առաջ ե գալիս միայն այն ժամանակ, յերբ այդ ուռեցքից քայքայվում ե ձվարանը: Այդ դեպքում հաճախ դաշտանն ել դադարում ե: Բայց ընդհանրապես ձվարանների ուռեցքի պատճառով հազվագյուտ դեպքերում ե միայն ամուլթյուն առաջանում:

Նվազած սեռական զգայականություն: Շատերը կարծում են, վոր յեթե կինը սեռական հարաբերությունից լիակատար բավարարություն չի ստանում, յեթե նա՝ հարաբերություն ունենալիս՝ մնում ե անտարբեր և, ինչպես ընդունված ե ասել, «սառն» ե, — ապա նրանով կարելի յե բացատրել նրա ամուլթյունը: Սակայն, թեև այդորինակ «սառնությունը» բնական չե, այնուամենայնիվ դա չի խանգարում հղիության առաջանալուն: Կան շատ կանայք, վորոնք՝ չնայած իրենց նվազած զգայականությանը կամ հարաբերության ժամանակ բավարարության խաղաղ բացակայությանը, հղիանում են և յերեխա բերում, այն ել վոչ թե մի անգամ, այլ շատ անգամներ: Հայտնի յեն նաև այնպիսի դեպքեր, յերբ

կնոջը՝ ուշքը զնացած պահին՝ բռնաբարում են, և նա այնուամենայնիվ հղիանում է:

Սառնությունը՝ հաճախ ոնանիզմի (ձեռնախաղության) հետեւանք է լինում. ոնանիզմը չափազանց վնասակար ներգործություն է ունենում որգանիզմի վրա:

Շատ անբարեհաջող աղդեցություն է թողնու ւ կնոջ սեռական որգանների վրա վաղ սկսած սեռական կյանքը:

Հաճախ պատահում ենք այնպիսի կանանց, վորոնք 15—16 տարեկան հասակից են սկսել սեռական կյանքով ապրել, այսինքն այն ժամանակից, յերբ նրանց որգանիզմը տակավին լրիվ չի զարգացել: Ժամանակից առաջ սկսված սեռական կյանքը մի շարք խանգարումներ է առաջացնում կնոջ սեռական որգաններում, մեծ վնաս է տալիս ու կարող է ամուլթյան հասցնել նրան: Վաղաժամ սեռական կյանքը ռաս վնասակար է:

Մյուս որգանների հիվանդությունները, իբրեւ ամուլթյան պատճառ: Յերբեմն ամուլթյամբ տառապում են այն կանայք, վորոնց սեռական որգանները միանգամայն նորմալ են: Այս դեպքում ամուլթյան պատ-

ճառն ուրիշ որգանների հիվանդությունների մեջ պետք է փնտռել: Մեզ հայտնի յե, վոր չափազանց գեր կանայք կամ հազվագյուտ դեպքերում են հղիանում կամ իսպառ չեն հղիանում: Այսպիսի կանանց դաշտանը ևս, իբրե կանոն, թույլ է լինում: Գիտենք նմանպես, վոր խպիպ (զոք) հիվանդությամբ կամ շաքարախտով հիվանդ կանայք շատ քիչ են հղիանում կամ իսպառ չեն հղիանում:

Սեռական որգանիզմի վրա շատ վատ աղդեցություն է ունենում խրոնիկական թուլամուրումը ծխախոտով՝ չափազանց շատ ծխելուց, արագով՝ ալկոհոլը չարը գործ դնելուց, և այլ հարբեցուցիչ նյութերով (մորֆին, ափիոն և այլն):

Սիֆիլիսով հիվանդ ամուսինները հաճախ մուում են անզավակ, վորովհետեւ սկսված հղիությունը մինչև վերջը չի տեւում և շատ անգամ վիժումով է վերջանում: Հաճախակի կրկնվող և ինքնաբերաբար առաջացած վիժումները հարկավոր է սիֆիլիս հիվանդությամբ բացատրել, թեև պատահում է, վոր այդ վիժումները կարող են և ուրիշ հիվանդությունների հետեւանք լինել:

Սակայն ուրիշ պատճառներ փնտռելուց առաջ հարկավոր է հավաստիանալ, Վոր սիֆիլիս չկա:

Սրանք են ամուլթյան պատճառները: Տեսնում ենք, Վոր զրանք շատ են. դժվարին և ծանր խնդիր է ումուլթյան պատճառներն իմանալը. դրա համար հարկավոր է շատ բան գիտենալ: Իսկ դա մատչելի չէ միայն մասնագետ բժիշկներին:

Հետեւաբար Վոր մի դեպքում չպետք է զիմել հեքիմների ու տատմեքների ոգնությանը. լինելով տղետ և անփուլթ՝ նրանք կիրառում են կնոջ առողջության համար մի շարք շատ վնասակար, յերբեմն ել կորստաբեր միջոցներ: Այս բարդ հարցերը կարելի չէ պարզել միայն կոնսուլտացիայում, բժշկական անձնակազմի ոգնությամբ, ու այնտեղ գտնել համապատասխան բժշկութուն:

ԱՄԼՈՒԹՅԱՆ ԲՈՒԺՈՒՄԸ

Վորովհետեւ ամուլթյան պատճառները շատ են, դրա համար ել բոլոր դեպքերի համար բուժման միատեսակ միջոց գոյու-

թյուն չունի: Ամեն անգամ բժիշկն է, Վոր ճշտիվ վորոշում է ամուլթյան պատճառները և ձեռք առնում բժշկությունը: Կան դեպքեր, յերբ բժշկությունը կայանում է նրանում, Վոր վերացվում են ձվի և սաղմնաթելիկի հանդիպմանը խանգարող արգելքները: Ուրիշ դեպքերում աշխատում են բժշկությունն այնպես տանել, Վոր ձվաբանը հասուն ձվեր արտադրի: Յեթե ամուլթյան պատճառը կինը չէ, այլ մարդն է, այդ դեպքում բժշկության յենթարկվում է մարդը:

Ամուլթյունը բժշկելն, ընդհանուր առմամբ, այնքան ել հեշտ գործ չէ: Յերբեմն հարկավոր է լինում ոպերացիայի զիմել: Ոպերացիայի յեն յենթարկվում արգանդավիզն, արգանդը և մանավանդ ձվատար փողերը, Վորպեսզի սրանք անցանելի դառնան:

Թե Վոր ամուլթյունն արդյունք է սաղմնաթելիկների քայքայմանը հեշտոցում կամ արգանդավում, այդ դեպքում վերջին ժամանակներն սկսել են կիրառել արհեստական բեղմնավորում: Այս նպատակով մարդու սերմը ներարսկում են կնոջ արգանդը: Բեղմնավորման այս յեղանակը, Վոր լայնու-

ընն կիրառվում է անասնապահության մեջ,
ներկայումս վորոշ դեպքերում կիրառվում
է նաև մարդկանց վրա:

Վերն ասվածներից պարզ էլ թե վորքան
բարդ բան է ամուլթյունը: Մենք գիտենք,
թե կանայք ինչպիսի դժվարությամբ են տա-
նում իրենց անգամակուլթյունն ամեն ժա-
մանակ: Մենք գիտենք նույնպես ինչքան դժ-
վար է ամուլթյունը վերացնելը, Շատ ավելի
հեշտ է այս ծանր հիվանդությունը կանխելը:

Ինչպես արդեն նշվեց, հաճախ ամուլ-
թյան պատճառ է հանդիսանում սեռական
որգանների թերազարգացումը: Իսկ վերջինը
հետեւանք է անկարգ կյանք վարելու, քիչ
շարժողություն ունենալու, թարմ ոդում
քիչ մնալու, հանգստություն չունենալու և
անկարգ սնվելու: Այս բոլորից էլ կարելի
յե խուսափել: Միայն թե անհրաժեշտ է
կանոնավոր կերպով դասավորել ժամանակը:
Աշխատանքն ու հանգիստը պետք է կանո-
նավորապես իրար հաջորդեն, հարկավոր է
ամեն որ ֆիզիկոսութեայով պարապել ու
միտքը պահել, վոր ջուրը, ողն ու արեւը
որգանիզմն ամբողջով հզոր միջոցն են
համդիսանում:

Պետք է միտքը պահել նաև այն, վոր
տգիտությունը, տատմեններն ու հեքիմ-
ները հաճախ պատճառ են դառնում կանացի
սեռական որգանների փաստման: Ժամանակ
է արդեն ընդմիշտ վանել կնոջ իրավագրկու-
թյան և անկուլտուրականության այս միա-
ցուկները:

Տղամարդու հետ ամուսնանալով, կինը
պետք է հավատի լինի իր ամուսնու
առողջության մասին: Դրանով նա կպահ-
պանի իրեն ծանր հիվանդություններից և
ամուլթյունից: Ամուսնական կյանքի 3—4
տարիների ընթացքում յերեւա չունեցող
կինը պետք է բժշկի դիմի՝ առանց բարձի-
թող անելու:

Կինը պետք է իմանա, վոր ավելի հեշտ
է ամուլթյունը կանխելը, քան թե բժշկելը:

ԲԱՆՎՈՐՈՒՇՈՒ ՅԵՎ ԿՈՒՆՈՋՈՒՇՈՒ ՇՈՒՇԱԹԵՐԹԻԿԸ.

1. Աշխատիր շատ մաքուր պահել մար-
մինդ, մանավանդ սեռական որգաններդ:
2. Որգանիզմդ ամբողջով ֆիզիկոսու-
րայի ու ռպորտի (մարզանքների) միջոցով:

Միտքդ պահիր, վոր միայն առողջ կինը կարող ե ոգտավետ աշխատանք կատարել ու իր պետութիւնը կառուցել: Միտքդ պահիր, վոր միայն առողջ կինը կարող ե առողջ սերունդ արտադրել:

3. Ապագա մարդն ու կինը, ամուսնութիւնից առաջ, պետք ե լինեն բժշկի մոտ ե համաստիանան իրենց առողջական վիճակի մասին:

4. Խուսափիր պատահական սեռական հարաբերութիւններից, վորովհետեւ այդպիսով կարող ես վարակվել ծանր հիվանդութեամբ՝ սուսանակով կամ սիֆիլիսով:

5. Ծննդաբերութիւնդ անցկացրու անպատճառ ծննդաբերական տանը: Միտքդ պահիր, վոր տառմերները դիմելով հարյուրավոր կանայք տուժել են իրենց առողջութեամբ ու կյանքով:

6. Միտքդ պահիր, վոր աբորտները, թեկուզ հիվանդանոցում կատարված, ֆիսսակար են: Ոգտվիր հղիութիւնը կանխող նախագուշական միջոցներով: Նախազգուշական միջոցների համար դիմիր մոտակա կոնսուլտացիան:

7. Սեռական կյանքի վերաբերյալ հարցերի մասին կոնսուլտացիա դիմիր:

8. Խորհուրդների լերկրում, այն յերկրում, ուր մարդն ազատագրված ե, անգավակ կանայք չպետք ե լինեն: Սոցիալիզմն իր հետ բերում ե՝ ազատագրված աշխատանքի ուրախութիւնը, ստեղծագործական բախտավորութիւնը:



ԲՈՎԱՆԴԱԿՈՒԹՅՈՒՆ

Առաջաբան	62
Ի՞նչպե՞ս են կազմված կնոջ սեռական որդանները	3
Ի՞նչպե՞ս են գործում կնոջ սեռական որդանները	5
Բեղմնավորումը	13
Ամլությունը	18
Կնոջ ամլության ամենահաճախակի պատճառները	24
Ամլության բուժումը	28
Բանվորուհու և կոլտոգուհու հուշաթերթիկը	44
	47

Ответ. редактор Г. А. Потени
Пом. техред. Д. М. Джинибалаян

Издание №254/5114. Сдано в набор 29 июля 1936 г.
Подписано в печать 17 сентября 1936 г. Формат— А6
105x148. Объем 1⁷/₈ п. л. Тираж 500. Уполкрайлит
№С—5660. Заказ 263.

Типография Издательства „ГГО“ в г. Ростове н-Д.

«Ազգային գրադարան»



NL0281032

Цена 25 40 м.
Коп.

41149

7963

На армянском языке

Проф. Л. Б. Теодор

БЕСПЛОДИЕ ЖЕНЩИНЫ

И

КАК С НИМ БОРОТЬСЯ

**АЗОВО-ЧЕРНОМОРСКОЕ КРАЕВОЕ
АРМЯНСКОЕ ИЗДАТЕЛЬСТВО „ГРО“**
Ростов н-Д, Ворошиловский, 27

Վ. Բ. Պ. Թ. Զ. Ե. Ս. Ը.
Ռազմով-Դոն, Մոսկովական փող. № 53
ԳՐԱԿԵՆՏՐՈՆ (ԿՆԻԳՈՅԵՆՏՐ)